

Diese nun sind von gedachten Rittermeisteren des  
nächts in 2. Dörfferen besetzt / die wacht erlegt / die  
andere in die flucht gejagt / vnd viel auff dem Bett  
erwischt worden. Die Rittermeister der Spanischen  
waren selbst mit darben. 5. fahnen wurden erobert / vñ  
eine in der Kirchen verbrandt. Sie bekamen gute  
beut / vnd wol 500. Sattelpferd / vnd ben 200. gefan-  
gene. Die fahnen wurden in den Hag gebracht / vnd  
allda auffgehencft. Chalon ein Bastart Rene von  
Chalon von dē hause Massaw / kam daruō. Sind also  
obgenante Rittermeister wider in jre besatzung gezogē.

Zm Wintermonat haben die Städē einen streiff  
oder zug in das Lüzelburger Land thun lassen / vnder <sup>Stadische</sup>  
Graff Ludwig Gunther von Massaw mit 33. fahnen <sup>chū ein zug</sup> in das Land  
Reutern / vnd 1200. Mann zu fuß / vnder den Ober-  
sten Edmont / Gistelles / Domeruelle vñ Marquette /  
remlich 200. Frankosen / 200. Englischen / 200.  
Schotten / 200. Hochdeutschen / vnd dē Rest Nider-  
länder / fuhrten mit sich 3. Feldstücklein / vnd 50. Kar-  
ren / deren acht gehörten zu der Munition / vier für  
den General Gr. Ludwig / für jetwedern Colonel-  
len einer / vnd die vbrige für die Reuter.

Diese zogen den 3. November aus Nimegen / vñ  
lögerten sich zu Keppel vnd Bebber / den 4. zu Ne-  
wenkirch vnd Altenkirch bei Wachtendonck / den 5.  
zu Grefrat im Gulchischen Land / den 6. zu Juggē /  
von dañen ein hauff nach dem Stättlein S. Veit zu  
zog / dasselbig einzunemen. Den 7. kamen sie gen Rü-  
gen / den 8. gen Seuerwick / den 9. gen Blomenthal /  
da jnen zeitung kóinen / dz jren Spiesbrüdern der an-  
schlag auff S. Veit geschlet. Demnach hat sich der  
ganze hauff dahin begeben / vnd schlügen sich nider  
zu Meuerdorff / fiengen auch noch denselben abend  
an zu grabe / vnd mit gewalt sich zum sturm zu rüste.

Den